

PROCESVERBAL – Tipi i kontratës - Mall

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS:

Blerje materiale konsumi (implante ortopedike) për Shërbimin e ortopedisë në SUT” - Marrëveshje Kuadër me disa Operatorë Ekonomikë ku jo të gjitha kushtet janë të përcaktuara, për një periudhë 24 mujore nga nënshkrimi i Marrëveshjes Kuadër

KODI PËRKATËS NË FJALORIN E PËRBASHKËT TË PROKURIMIT (CPV):

33183100-7 Implante ortopedike

VLERA E FONDIT LIMIT: 421,879,450 (katërqind e njëzet e një milionë e tetëqind e shtatëdhjetë e nëntë mijë e katërqind e pesëdhjetë) **Lekë pa TVSH** ose fondi limit në Euro (sipas kursit të këmbimit nga BSH te datës 13.03.2024): **4,066,699.92** (katër milionë e gjashtëdhjetë e gjashtë mijë e gjashtëqind e nëntëdhjetë e nëntë pik nëntëdhjetë e dy) **Euro pa TVSH**

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor **SUT** ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Kandidati/ofertuesi duhet të dorëzojë:

- a. Formularin e Ofertës, sipas Shtojcës 1;
- b. Lista e çmimeve të artikujve, sipas Shtojcës 2;
- c. Formularin Përmbledhës të Vetëdeklarimit, sipas shtojcës 8;
- d. Sigurimin e Ofertës, sipas Shtojcës 3.

Argumentimi: Kërkesat e mësipërme bazohen në nenet 76, 82 dhe 83 të LPP, nenit 26, të VKM nr. 285, datë 19.05.2021 “Për miratimin e rregullave të prokurimit publik”.

2. Kandidati/Ofertuesi duhet të dorëzojë:

2.1. Përshtatshmëria për të kryer veprimtarinë profesionale (nëse është e aplikueshme):

Argumentimi: Kërkesa e mësipërme bazohet në nenin 77, pika 1/a dhe 2, të LPP, nenit 40, pika 5, të VKM nr. 285, datë 19.05.2021 "Për miratimin e rregullave të prokurimit publik", si dhe nenit

.....
(Shënim: përcaktoni **nëse është rasti**, aktin konkret ligjor ose nënligjor që parashikon plotësimin e ndonjë kërkesë specifike për ushtrimin e veprimtarisë profesionale që lidhet me objektin e prokurimit).

2.2. Kapaciteti ekonomik dhe financiar:

2.2.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore për vitet financiare 2020,2021,2022, ku vlera e xhiros për të paktën një nga vitet e periudhës së kërkuar duhet të jetë sa 40% i fondit limit të përlogaritur.

Argumentimi: Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43, të VKM nr. 285, datë 19.05.2021 "Për miratimin e rregullave të prokurimit publik".

Përcaktimi i vlerës së kërkuar argumentohet si më poshtë:

Ky kriter i shërben autoritetit kontraktor për njohjen e gjendjes financiare të operatorëve ekonomikë dhe të mundësisë së tyre për përmbushjen me sukses të kontratës. Vendosja e këtij kriteri në masën 40% të fondit limit është me qëllim stimulimin e OE të rinj që mund të ofertojnë për këtë kontratë furnizimi. Kjo vlerë e është brenda marzhit të përcaktuar në aktet ligjore dhe nënligjore.

Shënim: Duke qenë se aktet ligjore dhe nënligjore parashikojnë një marzh për vlerën e xhiros që mund të kërkohet, autoritetet/entet kontraktore duhet të argumentojnë vlerën e kërkuar të xhiros brenda këtij marzhi.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në Ligjin nr. 9920 date 19.05.2008 "Për Procedurat Tatimore në Republikën e Shqipërisë" i ndryshuar, dhe aktet nënligjore në zbatim të tij.

2.3 Aftësitë teknike dhe profesionale:

a) Operatori ekonomik duhet të paraqesë dëshmi për furnizimet e mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 40 % të vlerës së fondit të limit të kësaj kontrate.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe sasi të mallrave të furnizuara,
- për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruarat në organet tatimore, ku shënohen datat, shumat dhe sasi të mallrave të furnizuara.

Argumentimi: *Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe nenin 40, pika 4 të VKM nr. 285, datë 19.05.2021 “Për miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që furnizimet e mëparshme të ngjashme të jenë në vlerën jo më pak se 40 % të vlerës së fondit limit, që është brenda vlerës kufi të përcaktuar në nenin e sipërcituar.*

Përcaktimi i vlerës së kërkuar për kontratat e ngjashme argumentohet si më poshtë:

Vlera e furnizimeve të ngjashme prej 40% të fondit të limit/ vlerës së pritshme të kontratave, të lotit apo shumës së loteve të parashikuar i jep siguri AK që operatorët kanë përvojën e nevojshme për të zbatuar kontratën.

b) OE duhet të vetedeklarojë origjinën e mallit dhe kompaninë prodhuese (të plotësohet në shtojcën 1), oferta ekonomike.

c) Ofertuesi duhet të paraqesë autorizim nga prodhuesi i mallrave për lejimin e tregtimit të artikujve të tij, të perkthyer dhe noterizuar. OE mund të paraqesin autorizim të lëshuar edhe nga distributori i autorizuar. Për të vërtetuar autorizimin e lëshuar nga distributori i autorizuar, OE duhet të vërtetojë me dokumentacion lidhjen ndërmjet Prodhuesit dhe distributorit të autorizuar.

Argumentimi: *Kërkesat e mësipërme janë përcaktuar për të njohur origjinën e mallrave dhe për të vërtetuar lidhjen e OE me prodhuesin ose distributorin e autorizuar, bazuar në nenin 77 të ligjit nr. 162, datë 23.12.2020 “Për prokurimin publik”, si dhe nenin 40, pika 8 të VKM nr. 285 datë 19.05.2021.*

d) “OE duhet të paraqesë autorizim për tregtim të paisjeve mjekësore, të lëshuar nga MSHMS sipas ligjit 89/2014 “Për Paisjet Mjekësore”.

Argumentimi: *Kërkesa e mësipërme është përcaktuar për të vërtetuar që operatori vepron sipas legjislacionit në fuqi bazuar në nenin 40, pika 8 të VKM nr. 285 datë 19.05.2021 i ndryshuar.*

e) OE duhet te jete i certifikuar me ISO 9001:2015/ose/ekuivalent. Per kete ai duhet te paraqese certifikaten perkatese te vlefshme ne kohen e zhvillimit te tenderit. Certifikata te jete e leshuar nga nje organ i vleresimit te konformitetit, i akredituar nga organizmi kombetar i akreditimit ose nga organizma nderkombetare akreditues, te njohur nga Republika e Shqiperise.

f) Ofertuesi duhet te paraqesi Certifikate konformiteti CE ose FDA ose ekuivalent, per te gjithë artikujt e ofruar, te perkthyer dhe noterizuar.

Argumentimi: Kërkesat e mësipërme janë përcaktuar për të vërtetuar që malli i plotëson kërkesat e cilësisë, bazuar në nenin 44, pika 1 te VKM 285 datë 19.05.2021 i ndryshuar.

2.4 Kërkesa të tjera të veçanta për kualifikim

a) Kataloge per te gjithë artikujt e ofruar ku te perfshihen edhe specifikimet teknike per secilin artikull. OE duhet te markoje (shenjoje) ne katalogun perkates produktet qe ofron sipas numrit rendor te percaktuar ne formularin e ofertes. Kataloget do te pranohen vetem ne forme elektronike nepermjet sistemit elektronik te prokurimit.

b) Per te vertetuar qe OE i permbushin specifikimet teknike dhe jane ne gjendje te realizojne me sukses kontraten, duhet qe te paraqesin mostra per te gjithë artikujt, sipas tabelës ne specifikimet teknike dhe sipas katalogjeve perkatese te prodhuesit.

- OE ofertues duhet te paraqesin nga nje moster per cdo artikull.
- Mostrat duhet te paraqiten ne daten dhe oren e hapjes se tenderit.
- Dorëzimi i Kampioneve/ mostrave të bëhet pranë SUT, të mbyllura me ngjithëse në zarf/a ose kuti jo transparente të vulosur/a. Së bashku me mostrat ofertuesi duhet të japë edhe një shkresë të vulosur dhe firmosur ku të listohen mostrat që ndodhen në zarf/kuti.
- Mbi çdo mostër të dorëzuar, ofertuesi duhet të shënoje Nr. Rendor të Artikullit që përfaqëson sipas formularit të ofertës.
- Në paketimin e çdo mostre duhet të evidentohet qartë origjina e mallit e cila duhet të përputhet me origjinën e deklaruar nga ofertuesi në formularin e ofertës. Do te skualifikohen OE ne rast se nuk paraqiten dhe/ose mostrat e paraqitura nuk jane sipas specifikimeve teknike.

Dorëzimi i Kampioneve/mostrave, të bëhet pranë Komisionit të Vlerësimit të Ofertave, zyra e prokurimeve SUT, te mbyllura ne një zarf /kuti jo transparente te vulosur mbi te cilin te shënohet:

- *“Mos e hapni me përjashtim te rasteve kur është i pranishëm Komisioni i Vlerësimit te Ofertave te procedurës se prokurimit « » dhe jo para datës dhe orës se përcaktuar.*

- *Së bashku me mostrat ofertuesi duhet të japë edhe një shkresë të vulosur dhe të firmosur ku të listohen mostrat që ndodhen në zarf/kuti.*

*-Mbi çdo mostër të dorëzuar, ofertuesi duhet të shënojë Nr. Rendor të Artikullit që përfaqëson.
-Në paketimin e çdo mostre duhet të evidentohet qarte origjina e mallit, e cila duhet të përputhet me origjinën e deklaruar nga ofertuesi.*

c) OE duhet të paraqesin një deklaratë ku të shprehet se do të vendosi në dispozicion të Ak, për çdo operacion që do të kryhet, setet e montimit (minimumi një set montimi) dhe të paktën një specialist të trajnuar për përdorimin e seteve. Në deklaratë duhet të tregohet emri i specialistit dhe duhet bashkelidhur certificate/deshmi të leshuar nga kompania prodhuese të seteve që të provojnë trajnimet e tij.

d) OE duhet të paraqesin një deklaratë ku të shprehet se do të vendosi në dispozicion të Ak, certifikatat e origjines së mallit (implanteve) dhe certifikatat e regjistrimit të mallit pranë Institucioneve perkatese në RSH. Certifikatat duhet të shoqërojnë mallin sipas kontratave të furnizimit që do të nënshkruhen për gjatë periudhës 24 mujore.

Argumentimi: Kërkesat e mësipërme janë përcaktuar për të vërtetuar që malli i ofruar përmbush specifikimet teknike, bazuar në nenin 77 të ligjit nr. 162, datë 23.12.2020 “Për prokurimin publik”, si dhe neni 40, pika 6, gërma a, b, të VKM 285 datë 19.05.2021.

(Shënim: Autoriteti/enti kontraktor, në varësi të natyrës së objektit të prokurimit, mund të përcaktojë kritere të tjera të vecanta, të cilat i vlerëson të nevojshme për ekzekutimin me sukses të kontratës, duke argumentuar teknikisht dhe ligjërisht çdo kriter, duke përcaktuar, sipas rastit, aktin ligjor/nënligjor që parashikon domosdoshmërinë e kriterit në fjalë).

II. Argumentimi i specifikimeve teknike

Specifikimet sipas DST-se.

Argumentimi: Specifikimet teknike të mësipërme plotësojnë kushtin për materiale cilësore dhe janë përcaktuar në përputhje me parashikimet e nenit 4, pika 38/b dhe nenit 36, pika 3/b të LPP, si dhe nenit 40, pika 2, të VKM nr. 285, datë 19.05.2021, “Për miratimin e rregullave të prokurimit publik”.

Njësia e Prokurimit: